

»Et recta perstat nunc item nexus pio,

»Quodcumque labens Sol vides deuinciens;

»Ut vniuersi Praesidem mundi decet.«

Ex Latinis Cyprianus scribit (4): »Petri cathedra Ecclesia principalis est, unde unitas sacerdotalis exorta est.« Hieronymus haec habet (5): »ego nullum primum nisi Christum sequens, benedictionis tuae, id est, cathedralae Petri communione consocior. Super illam petram aedificatam Ecclesiam scio. Quicumque extra hanc domum agnum comedenter prophanus est.« Augustinus sic loquitur (6): »in Romana Ecclesia semper apostolicae cathedralae viguit Principatus.« Prosper in carmine in gratia sic cecinit:

»Sedes Roma Petri, quae pastoralis honoris

»Facta caput mundo, quidquid non possidet armis,

»Relligione tener.«

Ergo et ex Patrum scriptis, seu traditione, constat Romanae sedis Primatus.

COROLLARIA.

Ex his autem, quae pro Romani Pontificis Primatu adserendo dicta sunt, colliguntur quaedam, quae maximi facienda sunt pro sedis apostolicae legitima auctoritate agnoscenda atque tuenda. Primo: Romani Pontificis Primatum semper in omnibus orbis christiani Ecclesiis obtinuisse. Secundo: Romanorum Pontificum decreta magno semper in praetorio fuisse habiti, quum apud particularium Ecclesiarum Episcopos, tum apud Concilia ipsa. Tertio: illorum decreta locum theologicum esse, ex quo ad fidem stabilendam, et regulandos mores argumenta eruuntur.

Alia etiam ex ipsa Primatus natura, Theologi elicunt consecaria. Quod spectat maxime ad absolutam Romani Pontificis infallibilitatem suos hinc inde res habet Patronos; quorum momenta sua probabilitate pro vtraque parte gaudere iudicamus. Pro affirmante pugnant Itali, quibus proximioribus saeculis adhaesere, ut plurimum, Hispani nostri. Pro negante vero stant Galli; quos Hispani quidam clarissimi antiquitus fuere secuti; nec desunt hac aetate nostra plures,

(4) Epist. LV. ad Cornelium Papam. (5) Epist. LVI. ad Damas. (6) Epist. XLIII.

res, qui in eam opinionem eant. Ast opinonis limites quam neutra sententia praetergrediatur, caueant Theologi illi, qui pro eis, tanquam pro aris et focis digladiantur, ne fidei catholicae dogmata cum opinioribus confundant, et ex diuinis humana faciant: quum enim, et qui aiunt Papam infallibilem esse, et qui negant, acque christiani catholici sint, neque idcirco alterutri ut haeretici damentur, quaesito haec, quemadmodum et aliae bene multae, inter eas reponenda est, quae, salua catholicae fidei compage, pro et contra a Theologis disputantur: qui tamen virtusque opinionis momenta nosse cupiat, legat prae reliquis Dupinum (7), Bossuetum (8), pro parte contradicente: pro assertente vero Bellarminum (9), Canum (10), alias.

CAPVT XII.

Haereticorum errorem erga sedis Apostolicae auctoritatem describit: eorumque argumenta refutat.

Apostolicae sedis non auctoritas modo, et grauitas, sed omnis erit omnino vis, et facultas semper ab haereticis impugnata est. Ex his Wicles, teste Thoma Waldensi (1), dixit profuturum Ecclesiae, »si careret Papa, Capitaneo, quia tunc descenderet gratia in omnes homines perpendiculariter.« Statuit insuper (2), Papam esse Antichristum; nec esse de necessitate salutis credere Romanam Ecclesiam esse supremam inter alias Ecclesias. Similia protulit Ioannes Hus (3). Post hos Lutherus Papae Primum aggressus est saepissime (4). Nec tamen sibi constat; sed quandoque Romanum Primum admittit, humano licet iure (5). Quam eius fuisse mentem testatur ipse (6), et pro ipso Melanthon (7). At postquam a Leone X. damnatus est nullum iam seruauit modum, sed Pontificem passim Antichristum appellauit. Lutherum securus Zwinglius (8) negat Papam dici posse Ecclesiae caput: quin et impossibile existimat hominem visibilem Ecclesiae, quae inuisibilis est, caput esse. Calvinus praeterea negavit (9) Pri-

(7) Dissert. de antiq. Eccl. discip.

(8) De libert. Eccl. Gallic.

(9) De Roman. Pontif.

(10) Lib. VI. capp. 3. 4. et seqq.

(11) Tom. I. Doct. fid. ant. lib. II. art. 3

(2) In Assertionib. n. 15. (3) In Artic.

(4) In Thesis. Lipsiae disputat. Et

ma in disputatione ipsa cum Echcho.

(5) In Resolut. Proposit. Lipsiae

disputatarum, num. 15.

(6) In Epist. ad Emserum.

(7) In Epist. de Disput. Lipsica.

(8) In Comment. Epist. ad Colos.

(9) In lib. IV. Institut.

matum, aut ex Christi instituto, aut ex Ecclesiae veteris vsu originem sumisse, eius exordium Nicaeae Synodo tribuens. Eadem docent post Lutherum, et Caluinum sui vtriusque asseclae, qui si quem Romano Pontifici Primum tribuunt, maxime deprimunt, et ad humanas constitutiones referunt: scilicet, vt aeternum, quo in Apostolicam sedem feruntur, odium agnoscas. Omnibus praeuerant Graeci, qui Photio Constantinopoli sedente schisma aduersus Romanam sedem confluauerant.

Errorrem autem hunc multipliciter communire haeretici satagunt. Primo quidem Scripturis: Apostolus, inquit, ad Hebraeos iv. gradus omnes Ecclesiasticae Hierarchiae recensens, vnius Romani Pontificis non meminit. Repetit insuper Ecclesiae unitatem ab uno Christo, una fide, uno spiritu; nec vnius capituli visibilis mentionem facit: non ergo Romanus Pontifex Primum iurisdictionis in Ecclesia iure diuino haberet.

Secundo arguunt ex Conciliis. Canon vi. Concilii Nicaeni I. sic habet: „antiqua consuetudo serueretur per Aegyptum, Libiam, et Pentapolim ut Alexandrinus Episcopus harum omnium habeat potestatem; quia et urbis Romae Episcopo parilis mos est: et ut apud Antiochiam, et in urbe Roma vetusta consuetudo serueretur; ut vel ille Aegypti, vel hic suburbicariarum Ecclesiarum sollicitudinem gerat“; at his verbis, ut Alexandrinus Episcopi, sic Romani Pontificis potestas ad quasdam Provincias coartatur; alioquin non bene aptaque instituta comparatio esset in Canone Nicaeno: ergo Romanus Pontifex non habet Primum in tota Ecclesia, sed tantum in Ecclesiis suburbicariis.

Tertio ex Patribus: Cyprianus (10): „neque enim, ait, quisquam nostrum Episcopum se Epicoporum constituit“. Gregorius Magnus (11) Ioannem Constantinopolitanum insectatur, quod se Episcopum oecumenicum diceret, addens, nomen illud nomen esse blasphemiae: ergo Romanus Pontifex nullum in Ecclesia Primum habet.

Quarto ex ratione theologica: vel Papa moriente manent in Ecclesia claves, vel non? Non secundum, alias non possent homines amplius ligari, et solvi. Si vero primum; ergo claves Ecclesiae abs dubio datae fuerint, proindeque omnis potestas; a qua Romanus etiam Pontifex, velut minister accepit. Deinde: fundatur Romanus Primatus non in iure, sed in facto; et quidem in facto quod in Scripturis non narratur,

(10) In Epist. ad Quintum.

(11) Lib. iv. Epist. Indic. 13. Epist. 32.

tur, quodque non constituit ius diuinum, sed humanum; neque vim habet communicandi ius huiusmodi, vt doctissimi pontificiorum Theologorum tenent: nam Sotus (12), Cordubensis (13), Cajetanus (14), et Bannes (15), contendunt, per accidens tantum coniungi Episcopatum Urbis et Orbis, non iure diuino; quum Episcopus Romanus non sit successor Petri; sed possit eligi in successorem Episcopus Parisiensis, aut aliis quilibet: ergo.

Sed non est difficile eiusmodi cauillationes diluere. Ad primum quod attinet, Paulus sermonem ibi instituit de variis donis ac charismatibus, quibus nascens Ecclesia a Spiritu sancto ornabatur; non de Ecclesiastica Hierarchia. Enumerat enim Prophetas, Evangelistas, dona linguarum, gratias curationum; quae certe ad Hierarchiam non pertinent, quum non sint permanenter in Ecclesia. Abunde praeterea Paulus ibi unum corpus visible designans, et unum visible caput exprimit. Non enim potest unum corpus esse, nisi in eo sit unum caput, quod reliquis praesideat membris. Dici vterius poterit, non omnia in omnibus Scripturae locis aptere exprimi et contineri: atque de summo Ecclesiae capite alibi in Scripturis mentionem fieri.

Ad secundum argumentum primo responderi poterat, Nicaenum canonem a Ruffino non tam translatum, quam interpolatum fuisse. Neque enim in aliorum interpretationibus alia leguntur verba praeter hanc: „antiqua consuetudo serueretur per Aegyptum, Libiam, et Pentapolim ut Alexandrinus Episcopus horum omnium habeat potestatem, quia et urbis Romae parilis mos est“. Reliqua addidit homo suspectae fidei; tum quia Romanae Ecclesiae communione priuatus fuerat per Pontificem Anastasius; tum quod nota sit ex Hieronymo eius in interpolandis Scripturis licentia ac temeritas. Sed vel admissa Ruffini versione, neganda est ducta ex canone consequitio: non enim confert Episcopum Alexandrinum cum Romano secundum omnia Romanae sedis iura, sed prout pluribus Dioecesisibus, seu Provinciis ecclesiasticis praeficitur. Vnde coartantur canone illo iuramentum Patriarchalis Pontificis Romani, non quae ad Primum spectant. Quae quidem iura nisi apposite Theologi distinguant, in variis incident nodos necessum erit, quos dissoluere per difficile sit, nequid amplius dicamus.

Tertium sic solvitur: Cyprianus cum Concilio Carthaginensis *Tom. I.* tri-

(12) In iv. Dist. 4.

(13) Lib. iv. q. 1.

(14) De Primatu Papae.

(15) In II. q. 1. art. 1.

tribus loquens, de Romano Pontifice ne quidem cogitauit. Voluit ea loquendi ratione innuere, nulli ex ibi congregatis Episcopis vim illatam fuisse ut rebaptizationem, quae in Synodo decreta erat, probaret, vel improbaret; sed sua quemque libertate usum fuisse. Haec enim sunt verba, quae in antecessu protulerat: „superest, ut de hac ipsa re singuli quid sentiamus proferamus, neminem iudicantes . . . neque enim quisquam nostrum“, ceter. Magnus autem Gregorius Episcopi vniuersalis nomen in Ioanne fuit insectatus, quod arroganter ille se vniuersae Ecclesiae Episcopum nuncuparet. Quo certe sensu neque Romanus Pontifex vniuersalis Episcopus dici potest: nam reliqui Episcopi veri sunt Ecclesiarum Pastores, non Romani Pontificis vicarii. Poterit vero aliquo sensu vniuersalis dici, salua aliorum Episcoporum iurisdictione, ratione Primatus.

Quartum duplicum exhibit theologicam rationem. Ad primam dicendum: quod defuncto Papa claves seu iurisdictione in Episcopis manet, seu verius in Ecclesia. Neque enim soli Petro, aut alicui Apostolorum traditae a Christo claves fuerant, tanquam immediato ecclesiasticae potestatis subiecto, sed vniuersitatibus Ecclesiae, quam Petrus repreäsentabat, vt per ministros suos clavium potestatem exerceret. Quam doctrinam eo libenter amplectimur, quod eam Cl. ex Hispania nostra Theologus Alphonsus Tostarius Episcopus Abulensis fuso calamo tradiderit; eaque argumentum plene soluerit (16). Secunda autem ratio soluitur hac Bellarmini doctrina (17): „successio Romani Pontificis in Pontificatum Petri ex instituto Christi est: ratio autem successionis, qui Romanus Pontifex potius quam Antiochenus, vel aliquis alius succedat, ex facto Petri initium habuit. Successio ergo ipsa ex Christi instituto, et iure diuino est: quia Christus ipse instituit in Petro Pontificatum duraturum usque ad finem mundi; et proinde quicunque Petro succedit a Christo accepit Pontificatum. At vero quod Episcopus Romanus, qua Episcopus Romanus est, sit Petri successor ex facto Petri ortum habuit, non ex prima Christi institutione. Nam potuisse Petrus nullam sedem particulariter sibi unquam eligere, sicut fecit primis quinque annis; et tunc, moriente Petro, non Episcopus Romanus, neque Antiochenus successisset, sed is quem Ecclesia sibi elegisset: potuisse quoque semper manere Antiochiae, et tunc Antiochenus sine dubio successisset: quia vero Romae sedem fixit et tenuit usque ad mortem, in-

(16) In cap. xiii. num. qq. 48. et 49. (17) Lib. II. cap. 12.

„de factum est ut Romanus Pontifex succedat“. Haec Bellarminus.

CAPVT XIII.

Quae sit sanctorum Patrum in Theologia auctoritas.

Vnanimis sanctorum Patrum in aliquod dogma consensus certum Theologo praestat argumentum.

Nobis autem pro SS. Ecclesiae Patrum auctoritate pugnaturis illud principio ponendum est; eos scilicet hoc nomine honestati, qui doctrina et sanctitate floruerunt, ac congrua antiquitate donati sunt. Quas sane dotes quum in Apostolis, eorumque discipulis inueniamus, primarios illos Ecclesiae Patres nuncupamus et agnoscamus. Sed ex Ecclesiae ipsius vsu Patrum nomine pressius accepto eos dumtaxat intelligimus, qui post Apostolorum tempora, eminentis doctrinae sanctitatisque fama celebres, Ecclesiam, qua voce, qua scriptis ad posteros transmissis illustrarunt. Ex his nonnulli speciali honoris praerogativa prae ceteris Ecclesiae Doctores vocantur publico ipsius Ecclesiae testimonio declarati. Sunt huiusmodi ex Graecis Basilius, Athanasius, Gregorius Nazianzenus, Chrysostomus; ex Latinis M. Gaius, Augustinus, Ambrosius, et Hieronymus; quibus additi recentius sunt Thomas Aquinas, ac Bonaventura.

Deinde et illud constitendum est, de SS. Patrum auctoritate trifariam disputari posse. Primo quidem de ynius aut alterius placito; deinde de communi plurim consensu, a quo tamen pauci aliqui resiliant: demumque de omnibus Patrum vnianimi, concordique sententia. Potest et eorum auctoritas, vel ad philosophiae quæstiones finiendas, vel ad religionis, et Theologicæ capita confirmanda adhiberi: atque in posteriore hoc arguento duo etiam apud illos disputationum genera occurront: vnum de his rebus, quae catholicæ doctrinæ dogmata vere censentur: alterum de iis, quae citra fideli periculum a doctris etiam ignorari possunt: quorum omnium exempla Canus profert (18). Quum itaque philosophicae quæstiones non auctoritate, sed ratione finiantur, exploratum est ynius, vel plurimum Patrum auctoritatem certum argumentum non facere, sed tantum valere, quantum eius ratio ponderis praeserferat. Neque enim, ut a La-

(18) Lib. VII. cap. 2.

mindo Pritanno scite obseruatum est (19), SS. Patres dati Ecclesiae a Deo sunt, philosophiae humanarumque artium, sed fidei et religionis magistri: nec potissimum illi in philosophicis, ceterisque scientiis naturalibus operam posuerunt; sed vel eas a limine salutarunt, vel perfuctorie tantum attigerunt. Quod si aliqui eorum in illis diu multumque versati sunt, vt plurimum, quas prius animo conceperant, opiniones consecrantur.

Sed neque ad ea confirmanda, quae doctrinam catholicam exhibent, vnius vel alterius auctoritas sic confert, vt certum ex ea Theologus argumentum hauriat, sed probable solum: adeo, vt eam despiceret et pro nihilo habere impudentis fore; suscipere et pro certa habere omnino imprudentis. Peruulgatum est enim illud Augustini (20): «solis iis Scripturarum libris, qui canonici appellantur, dicens hunc timorem honoremque deferri, vt nullum auctorem eorum in scribendo errasse aliquid firmissime crederem: alias autem ita lego, vt quantalibet sanctitate praepolleat, non ideo verum putem, quod ipsi ita censerunt vel scripserunt», cet. Nam et errare illorum non paucos testatum faciunt singulorum opera; eorum etiam, quos in Synodo Romana Gelasius I. probauit, vel recipi ac negari permisit. Fuit enim qui a Christi corpore omnem passionis dolorisque sensum remouerit: alias itidem, qui animarum beatitudinem in sacerduli consummationem distulerit: alii, qui in aliis plurimis errauerint. Nec mirandum sane, quod pro humanae naturae conditione a vero deuiauerint in iis, quae obscura maxime erant, nec ab Ecclesia definita, vt Gelasius ipse adnotauit.

Quum vero Patrum plerique in vnam sententiam conspirant, paucis ex aduerso reclamantibus, illorum auctoritas maiorem sententiae illi pondus tribuet, certam tamen non reddet, nec dubitationem omnem ex ea detrahet. Hinc licet Patres communiter doceant dies, quibus Deus mundum condidit, naturales ac veros esse, sua adhuc est probabilitas, et maxima illa quidem, Augustini opinioni, dies illos mystice exponentis. Auctoritatem itaque Patrum dum hic nos propugnamus, vnam mem illorum consensionem non in omnibus diuinae legis quaestiuculis, sed in dogmate aliquo, vel in fidei regula defendimus, vt superius constituebamus.

Probatur autem propositio ex Conciliis: Concilium Constantiopolitanum VI. (21) haec habet: «omnino necesse est, non solum se-

(19) De ing. moderat. in relig. negot. (20) Ad Hieronym. (21) Act. XII.

»cundum sensum sequi SS. Patrum dogmata, sed eisdem vocibus vti cum illis, nisi filique penitus innouari». Et rursus: »SS. Patrum dogmata, tanquam legem sanctae Dei suscipiunt Ecclesiae». Synodus præterea Lateranensis sub Martino V. (22) quae omnes consentientes Ecclesiae Patres respunserunt, ea catholicam Ecclesiam respuere, et quae credunt, credere dicit. Postremo Tridentina Synodus, statuens ne quis contra vnamem Patrum sensum Scripturas expondere audaceat (23): »ad coercenda petulantia ingenia, decernit, vt nemo suae prudentiae innixus, in rebus fidei et morum, ad aedificationem doctrinae christiana pertinentium, sacram Scripturam ad suos sensus contorquens, contra eum sensum, quem tenuit et teneri sancta mater Ecclesia, cuius est iudicare per vero sensu et interpretatione Scripturarum sanctorum; aut etiam contra vnamem consensem Patrum ipsam Scripturam interpretari audeat»: ergo ex Conciliis SS. PP. in dogmate aliquo vnamis sensus certum Theologo præstat argumentum. Probatur ex Patribus, Augustinus contra Julianum disputans, haec habet (24): »hoc probauimus catholicorum auctoritate Sanctorum, nam per hoc non est consequens vt falsum sit. Tales quippe ac tantum viri secundum catholicam fidem hoc verum esse confirmant, vt vestra fragilis et argutula nouitas sola auctoritate conteratur eorum». Vincentius Lyrinensis (25): »necessè est, ait, omnibus catholicis, qui sese Ecclesiae catholicæ filios probare stident, vt SS. Patrum fidei inhaereant, adgurinentur, immoriantur; prophanas vero nouitates detestentur, horrescant, persecuantur. Concilio enim Ephesino placuit nihil aliud posteris credendum decernere, nisi quod sacra sibi consentiens SS. Patrum tenuisset antiquitas»: ergo et ex Patribus ipsis constat omnium consensionem in aliquo dogmate firmum omnino argumentum sufficere.

Accedunt Theologiae rationes. Prima: viri illi sapientia et sanctitate illustres, qui diuersis locis et temporibus vixerunt, in vnius dogmatis adscriptionem consentientes, non aliud sentisse credendi sunt, quam quod ipsa sentiebat et credebat Ecclesia: »quod intenerunt in Ecclesia, inquit Augustinus (26), tenuerunt»; sed hinc sequitur dogma ab omnibus Patribus propositum ut ipsa esse doctrinam a Christo, vel Apostolis Ecclesiae traditam: ergo. Secunda: credibile non est, tot tantosque Patres, tempore ac loco adeo dissitos, in vnam can-

(22) Canonibus XI. et XII.

(23) Sess. IV. (24) Lib. II.

(25) In Commonit.

(26) Lib. I. cont. Julianum.

candemque sententiam erga dogma aliquod conuenire potuisse, nisi Spiritu sancto dirigente: ergo quod ex illorum consensu sumitur argumentum firmum sit necesse est. Tertia: si Patres omnes in dogmate aliquo errare possent, simul et in eo amplectendo errare possent reliqui fideles ac Ecclesia vniuersa, quae illos Doctores suscipit ac veneratur; at hoc dicere Christi prouidentiae erga Ecclesiam suam iniurium foret: ergo et infirmum seu fallibilem Patrum consensem dicere.

CAPVT XIV.

Quid de SS. Patrum auctoritate nonnulli Romanae communionis Theologi dixerint. Quid item haeretici. Horum argumenta soluantur.

In SS. Patrum auctoritate tuedam medianam nos, eamque tutissimam, secuti sumus viam. Scilicet auctoritatem, quae iure illis debetur vindicantes, quae Ecclesia illis non tribuit omnino abjudicavimus. Fure autem catholicae nostrae communionis Theologi, qui Patrum auctoritatem nimium extulerunt, eam cum Prophetarum, et sacrorum Scriptorum auctoritatibus comparantes. Alii contra adeo angustis eam limitibus circumscripserunt, ut nullam possis dicere. Auctor prioris opinio vulgo creditur Fridericus Abbas saeculi IX. in quam postea concessit Interpres decreti. Eam tamen nobilissimum Theologus Alphon-sus a Castro ridet oppugnatque validissime; et merito quidem quoniam Scripturarum Interpretes quoslibet Propheticis diuinisque Scriptoribus, Symachum Paullo, Dydimum Ioanni Euangelistas aequare non eruuerit.

Secunda sententia auctorem habet Caietanum (1). »Si quando, inquit, occurrerit nouus sensus textui consonus, quamvis a torrente Doctorum sacrorum alienus, aequum se praebat lector censem. »Meminerit ius suum vnicuique tribuere: solis sacrae Scripturae auctoribus reseruata est auctoritas haec, vt ideo credamus sic esse quia ipsi scripserunt.... Nullus detesterit nouum sacrae Scripturae sensum ex hoc quod dissonat a primis Doctoribus: non enim alligavit Deus expositionem Scripturarum sacratum priscorum Doctorum sensibus, cert. Sane maiores nostros per omnia sequi, et illorum vestigia, vt pueri per lusum faciunt, inhaerere, nihil esset aliud

quam
(1) Inicio Comment. in Genesim.

quam nostro nos priuare iudicio, et facultatem inquirendae veritatis amittere, ingeniaque nostra ad turpe otium condemnare. Contra vero in dogmatibus fidei ac morum, quae Patres ex traditione exponunt, singulare priuatumque cuiusque hominis iudicium vnamini illorum sensui anteponere placutum erit. Merito igitur Caietani accusationem, lepidissimam quidem, instituit eiusdem sodalitii summus Theologus Melchior Canus (2).

Quae vero de Patrum auctoritate haereticorum sententia? Haud immorandum in Arianorum, Pelagianorum, Seuerianorum, aliorum etiam errore recensendo, qui Patrum patrocinio gloribantur, illorum verba varie detorquentes in suorum errorum confirmationem. Hanc viam licet quandoque Lutherus tenerit, postea tamen scribere ausus est neminem auctoritatem Patrum esse cogendum, quod plurima in eorum scriptis inveniantur errata, saepe secum pugnant, sacer plus inicem dissentiant, et Scripturas torqueant (3). Hinc gentile recentioris sectaris, praecepit Lutheranis, est SS. Patrum auctoritatem de gradu delicare.

Praecipua illorum argumenta sunt huiusmodi. Primum: Augustinus solius verbi Dei scripti certissimam auctoritatem agnoscit, his verbis (4): »quae autem ab aliis scripta sunt, cum libertate iudicandi de legenda, vt approbet quis quod placuerit, quod non placuerit improbat. Illis etiam verbis, quae superius adduximus (5): »solis illis Scripturarum libris, qui canonici appellantur, hunc timorem honoremque deferre didici«, cert. Id quod S. Thomas Augustini testimonio innixus his verbis confirmat (6): »auctoritatibus canonice Scripturae vtitur sacra doctrina ex necessitate argumentando: auctoritatibus autem aliorum Doctorum Ecclesiae probabiliter arguendo«: ergo ex Augustini et Thomas sententia Patrum auctoritas nec infallibilis est, nec certum facit argumentum in Theologiae negotio.

Secundum: vel Patres vt testes aduocantur, qui Ecclesiae fidem, et disciplinam commemorant, vel vt Doctores, qui quod ipsi sentiunt exponunt: vtroque hoc nomine falli illos posse constat: nam in re puri putique, vt aiunt, facti, cuiusmodi est, vt aliquid ex. gr. producamus, quae singulis sacculis fides et disciplina in Ecclesia vigeat, errare absdubio possunt. Ut Doctores itidem, quum licet sanc-

(1) Lib. viii. cap. 1. concl. 5.

(2) In Prologo Articulorum.

(3) Lib. xi. cont. Faustum cap. 5.

(4) Ad Hieron. (5) I.p.q.1.art.8.ad 2

timonia, et eruditione floruerint, humani nihil ab eis alienum inueniamus.

Tertium: difficile admodum est, ac fere impossible, omnium Patrum consensum explorare: bene multa enim illorum opera temporum iniuria perierunt; de aliquorum authenticitate, post varias criticorum disputationes, adhuc sub iudice lie est, ut frusta Theologo eiusmodi consensus tanquam plane exploratus adhibeatur. Quartum: haereticus non esset qui doctrinam aliquam, nondum ab Ecclesia definitam ac propositam, quam tamen concors Patrum sensus amplectitur, negaret: ergo. Sed nullus esset scribendi finis, si vniuersa Nouuatorum figura hic proponere in animo esset (7).

Iam quae obiecta sunt dissoluamus. Ac in primo quidem sit sui ipsius interpres Augustinus. Hoc siquidem Scriptores sacros inter et Ecclesiae Patres discrimen statuit: quod cuiilibet sacro Scriptori, etsi soli, ex necessitate credendum sit, non ramen singulis Patribus. Haec enim subdit: »in illa sacrarum litterarum eminentia, etiam vnu Propheta, vel Apostolus, aut Euangelista aliquid in suis litteris posuisse declaratur, dubitare non licet, quod verum sit: cuiilibet sancto Doctori, si vnu aut alter dicat, non ita credendum est, vt dubitare non licet, an verum sit. De vnu itaque, aut alterius auctoritatem Augustinus locutus est, in loco etiam ad Hieronymum laudato. Sed non ita de communi Patrum consensi, quum eorum, vel in exponendis sacris litteris, vel in uno eodemque dogmate constans, et vnamis sententia est, ut videre est in his, quae contra Julianum, tum et de plenarii Concilii pondere scrispit. Nec aliam fuisse S. Thomas mentem, cuique ex sola verborum lectione patet.

Ad secundum quod attinet, non aliud Dallaeus, cuius est argumentum (8), contendit, quam quod a nobis statutum fuit: nempe in his, quae ad fidem non pertinent, vel si pertinent, alli tamen secus sentiunt, non esse certam Patrum, etiam plurimorum, auctoritatem: at nos vnamis sensum in dogmate aliquo adserendo tantum vindicamus. Quid ergo si falli omnes in re facti potuerunt? nam et hoc Dallaeus urgebat. Factum cum iure conexum illud scimus, videlicet, quid ab Ecclesia in fidei dogmatibus habeatur testari: in quo si errare Patres possent, error eorum in totam, quae eorum vititur testimonio, redundaret Ecclesiam. Sed nolumus

huc-

(7) Canus lib. vii. cap. 1. Et Bonavent. Argonensis de opt. legend. Patrum

methodo.

(8) In lib. de vero Patrum vsu.

hucusque contentionis funem cum Dallaco ducere. Patrum omnium in fide ac moribus auctoritatem sartam tectamque tantum volumus.

Ad tertium dicendum: consensum vnamis Patrum non esse mathematice sumendum, adeo ut ne vnu ex Patribus desit, sed moraliter: sic ut fere omnes in tali sententia concordent. Vel iuxta regulam ab Eminentissimo Perronio traditam (9): »tunc vnamis consensus Patrum cumulate probatus aestimari debet, quum singularum nationum eminentissimi in alicuius rei adscriptionem consentiunt: ita ut inter illos nemo, qui semper orthodoxis adhaesit, dissentiat«. Quartum sic soluitur: licet doctrina illa, quam vnamis Patrum consensus tenet esse de fide, non sit tanquam de fide ab Ecclesia proposita, est tamen sub haeresi poena credenda donec fuerit supremo Ecclesiae iudicio definita, et communis populorum fidei exhibita; adeo ut qui eam negaret, Ecclesiae infallibilitatem, quae res fidei est, impetrare praesumeretur; quum Ecclesia ei sequatur, et sequendum proponat vnamis Patrum sensum. Verbo: qui doctrinam nondum ab Ecclesia definitam ac propositam, a Patribus tamen vnamis consensu traditam, negaret, haereticus *illative*, seu *praesumptive* esset, non formaliter, ut schola loquitur.

APPENDIX.

Plurima hic de ordine, methodo, regulis, atque cautionibus in SS. Patrum lectione adhibendis addere, nec inutilem, nec inutile foret. Nemo enim nescit incuriam legentium praincipiant esse causam modici, ne dicant nullius, in lectione Patrum progressus. Peruleuntur nempe Sanctorum scripta: ut in manus veniunt, nullo ordine, nullo delectu, nullis tandem regulis et cautionibus. Nec cura villa in id impenditur ut innotescat, an Pater Theologum agat, an Philosophum; disciplinae, an Scripturae caput exponat; cathecumenos instruat, vel haereticos oppugnet; hoc vel illo saeculo vixerit; aliaque id genus plurima. Hoc tantum in mente venit: Ecclesiae Pater dixit; sat superque est. Quoniam vero de his luculentissime disseruit Bonaventura Argonensis (10); tempore nos et labori parentes, vnicie hic ad capitum calcem cautions quasdam adiectas in gratiam Tyronum voluimus. Prima esto: quum in alicuius Patris scriptis legitur sententia, quam Ecclesia reiecit, velut ceterorum Patrum sensu contrarium, refellendus sane est, non Pater, qui eam tenuit, sed

Tom. I.

K

(9) In resp. ad maioris Britanniae Reg. (10) De opt. leg. Patrum method.

error in ea expressus, idque debito honore ac reuerentia: quemadmodum fecisse Augustinum erga Cypriani errorem de rebaptizatione, constat (1). Secunda: caueat summopere Theologus ne quemquam Patrum erroris accuset; sed si obscurum aliquid et ambiguum in eius scriptis repererit, eum ex alibi dictis exponere atque excusare satagat (12). Tertia: diligenter obseruandum Patres, qui ante exortas haereses floruerunt, minus forsitan caute quandoque locutos fuisse, quam qui exortis iam haeresibus scripsere (13). Quarta: tum illud: Patres, quum haereses aggredi et expugnare contendunt, in errore oppositum illi, quem oppugnant, videntur declinare. Quam cautionem se adhibuisse contra Pelagianos disputantem Augustinus animaduertit (14): ut tandem intelligatur quam contumeliose recentiores quidam Augustinum traducant, quasi in suis contra Pelagianos disputationibus modum tuenda veritatis excesserit.

CAPVT XV.

De auctoritate Doctorum scholasticorum, et iuris pontificii peritorum.

Vnanimis scholasticorum consensus in dogmate aliquo magni roboris argumentum suppeditat.

Concors etiam canonici iuris peritorum sententia in legum Ecclesiasticarum interpretatione.

Quam nos hic scholae doctrinam tuendam suscipiamus, quorumque Theologorum defensionem instituamus, ex dictis in prima Prodromi parte (1) abunde constat. Non enim pro corum volumus honore pugnare, qui sola humana ratione, vel grauius, ut loquuntur ipsi, Theologorum sententia inxi vniuersas fidei ac morum controversias sophistis ineptisque cauillis absoluere audent: qui nempe, "quam non e puris Ecclesiae fontibus conclusiones suas deriuent; sed iis neglec-

"tis

(1) Lib. vi. de Bapt. cont. Do-
nat. cap. 2.

(12) Facund. Hirman. Lib. ix. de
tribus capitulis cap. 5.

(13) S. Aug. lib. de dono perseu. cap. 20.

(14) Lib. iv. cont. duas Epist. Pe-
lag. cap. 2. Idem de opusculis S. P. cont.
Manick. obseruat Pomerius lib. iii. de
vita contemplat. cap. 31.

(1) Capp. 2. et 3.

"tis turbidis se proluant probabilismi fluentis.... in tam horrida in-
"ciderunt opinionum portenta", vt Contensonius scribit (2). Scholae
nos doctorum auctoritatem vindicamus, qui tribus illis scholasticae
Theologiae innumeribus funguntur, idque primo agunt, vt quae in Dei
verbo, seu scripto, seu tradito continentur, per argumentationem na-
turee consentaneam elicant ac in lucem proferant. Secundo, vt
christianam doctrinam ab impiorum hominum sophismatibus sartam
rectam seruire current. Quod qui agere nesciat opportune, apud vul-
gus Theologus esse aliquando poterit, re vera nunquam erit, ait
Canus (3). Tertio, vt ex humanis disciplinis illud sumant, quod ad
catholicae veritatis illustrationem et confirmationem faciat.

Quoniam vero sicut Ecclesiae Patres, ita et scholae Theologi
quandoque circa rem aliquam inter se dissident, allis quidem adse-
rentibus, repugnantibus aliis, grauitas tunc et ratio illorum pensanda
est vt maior minorue illis exhibeat fides. Neque enim res theo-
logicae, praesertim quea ad fideli morumue controversias spectant,
numero sunt auctorum diuidicandae, sed pondere: quare si paucorum
grauior sint auctoritas, vel solidiora rationum quibus ducuntur mo-
menta, non debet Theologus multitudinem anteponere, atque pro
comperio habere quod pluribus arridet. Quod si hanc regulam se-
quioris aeu Theologi tenuissent, haud tot, tantaque probabilismi
monstra, magno disciplinae salutaris dispendio, in morum doctrinam
irrepsissent.

Quid autem si communis, constans sit in re aliqua graui scho-
lae consensus? Magni roboris argumentum suppeditare prima propo-
sitione constituimus, atque his momentis demonstramus. Primo: Con-
cilium Viennense, "eligendam statuit a catholicis opinionem, que
dicit, tam parvulis quam adultis conferti in Baptismo confirman-
tem gratiam et virtutes, tamquam probabiliorem, et doctorum mo-
dernorum Theologiae magis consonam et concordem". Vnde sic li-
cer argumentari: vnamine recentium Theologorum de re olim apud
veteres controversa iudicium tantum apud Viennenses Patres ponde-
ris habuit vt illud catholicis eligendum proposuerit: ergo vnamis
omnium omnino Theologorum de re aliqua graui, nempe de fidei dog-
mate aut morum, consensus magni roboris argumentum suppeditare
potiori iure debet.

Praeterea in qualibet arte vel disciplina, vt haber vulgatum axio-

ma, peritis, maxime dum in vnam conspirant sententiam; fides habenda est; nec nisi imprudenter ab eorum mente ac sententia quispiam discederet. Accedit: quod quum Theologi scholastici saepe in rebus adiaphoris inter se dissentiant, atque in diuersas abeant factio-nes, vbi in aliqua firmiter adserenda conueniunt omnes, illam ex principiis duci adeo perspicue constat, vt negari prudenter non pos sit. Rursus: Ecclesia nusquam reicit scholasticorum omnium in vnum dogma consensum. Postremo: huiusmodi consensus vnam plusquam probabile testimonium est, articulum illum, in quem consentiunt omnes, traditum esse, seu per traditionem haberi: vt enim scribit Tertullianus (4): "quod apud multos vnum inuenitur non est erratum, sed traditum": scholae igitur communis consensus magni ponderis argumenta praestat.

Sunt his affinia, quae in probationem secundae propositionis af ferri solent momenta. Haec scilicet: peritis in arte credendum quum sit, non nisi imprudentissime in explicatione legum Ecclesiasticarum iuris pontifici peritis in vnum consentientibus quis fidem negaret. Deinde: illorum vnamenim sensum amplectuntur Ecclesiae iudices et ministri, hoc probante, aut certe non improbante ipsa Ecclesia. Tum illud: alienum a vera conjectura non esse Christum iuris peritis quodammodo adesse in legum Ecclesiasticarum interpretatione, ne omnes errent: quum enim sacri canones Spiritu sancto dirigente ad Ecclesias utilitatem sint editi, vt Damasus Papa scribit, consentaneum est Ecclesiam, cui canones illi necessari sunt, interpretes suos a Deo accepisse earum legum quibus est gubernanda: concors ergo canonici iuris prudentum sententia in legum Ecclesiasticarum interpretatione magni roboris argumentum suppeditat.

Nec tamen eadem est iuris pontifici peritorum in Theologiae auctoritas quoad omnia in corpore iuris, sic enim vocant, contenta. In his enim quae fidei sunt Theologus iurisprudentium auctoritate non egit: quin hi potius eorum canonum, qui de fide decernunt, intelligentiam expositionemque debent a Theologo mutuari: principia siquidem, ex quibus fidei definitiones in corpus iuris emanarunt, nempe diuinae Scripturae, et apostolicæ traditions, germana Theologiae principia sunt, illique adeo propria, vt ea scrutare et cognoscere, quaeque his consentanea, vel repugnantia sunt dijudicare ad Theologum ex instituto pertineat. Idem dictum volumus de morum disciplina, quatenus de ipsius

(4) Lib. de praecept.

sius canonibus et principiis, vel Euangeli lex, vel ipsa naturae ratio praescribunt. Cognitio namque Scripturarum proprius ad Theologos, quam ad iuris pontificii peritos spectat: proinde, quae ex verbo Dei scripto canonicum ius colligit, dogmata ad mores pertinentia ordinatus erit ex Theologorum placito intelligere atque interpretari.

CAP V T XVI.

Scholae Theologorum auctoritas, solutis heterodoxorum argumentis amplius firmatur.

Scholasticam Theogiam haeretici, praesertim iuniores, de medio tollere, non uno, sed multis tentarunt modis. Wiclefus omnium primus adfirmare ausus est, Academias, et Theologorum scholas, quarum gimnasia castra cainitica vocabat, Ecclesiae non amplius prodesse, quam prodest malorum auctor diabolus (5). Lutherus deinceps eo impudentia venit, vt scholae Theogiam nihil aliud esse dixerit, quam ignorantiam veritatis, inanemque fallaciam, quam ad Colossenses ii. v. 8. Apostolus declinandam docet (6); Academias prouinde Antichristi lupanaribus comparandas esse (7). Caluinus haec audacter nimis scripsit (8): "tota Papatus Theogia immare est chaos et horribilis labyrintus, quia neglecto Christo sibi insanis et ventosis speculationibus indulget". Philippus quoque Melanthon (9): Parisis natam esse dicebat propharam scholasticam, qua postea admissa, et Euangelium obscuratum est, et extincta fides. Arque vi Witembergensium haereticorum dementiam praetermittamus, qui teste Surio (10), libros scholasticorum ferreto imponentes, ac sacras defunctorum vigilias celebrantes, ad medium vrbum detulerunt, et in ignem proiecerunt; Lutherani id ipsum omnes ad vnum sapient, scilicet scholae auctoritatem inimice insecati.

Quibus autem id praestent momentis videamus. Primum est: scholae auctoritas, nec sacris litteris, nec Apostolorum institutis, nec Ecclesiae definitionibus innititur: infirma ergo sunt quae ex ea ducentur argumenta. Secundum: nusquam Dominus scholae Theologis spiritum veritatis promisit: errare ergo illi vt homines possunt.

Ter-

(5) In art. a Synod. Constant. damn.

(6) In Epist. ad Iacob. Lotamum.

(7) Lib. ii. de abrog. Miss.

(8) In Institut.

(9) In Apolog. cont. Parisienses.

(10) In Append. ad Naucieri Chron.

Tertium: nullum reperitur in schola certum dogma, sed omnia paratum studio, et praeiudicatis opinionibus offunduntur, quas sectantur homines ut plurimum litigiosi, et quasi ad discordiam nati, qui in verba magistri iurantes, non veritatem colere, sed aduersarios, qua clamoribus, qua contumelias prosterne satagunt: nihil ergo certi ex scholae auctoritate confici potest. Quartum: veteres omnes scholastici Matrimonium absque sacro ministerio celebratum verum nouae legis Sacramentum censuerunt; at hanc eorum vnaminem sententiam certam esse tantum abest, vt ne probabilis quidem non paucis videatur; imo improbatam a Concilio Tridentino fuisse existimat: in nullo ergo Ecclesiae auctoritas alicuius ponderis erit. Haec Lutherani oblicitant.

In quibus refellendis non est cur multum immoremur. Ad prium enim quod attinet, vt vt vnaminis scholasticorum sententia non habeat expressum suae firmitatis ac roboris testimonium in verbo Dei scripto, vel tradito, aut in Ecclesiae definitionibus; implicite tamen, atque, vt dicitur, mediate, pro illa faciunt quorundam spiritum veritatis mansurum in Ecclesia, eidemque usque ad saeculi consummationem adfuturum pollicentur: quum enim Ecclesia fidei ac morum definitiones edere non soleat nisi Theologis in Concilium adscitis, quorum consensu ad decernendum velut manuducitur, si errare possint, quorum consilio iudicioque procedit, erraret etiam Ecclesia necessario. Ex quibus argumenti secundi habetur solutio.

In tertio diluendo hoc tantum quacriter ab haereticis iuuat, sintne omnes Theologi, quemadmodum ipsi contendunt, contentiosi et rixarum amatores? Atqui reperire est plurimos, qui his scopolis declinati, Theologiam congruo decore, grauiter, apteque tractarant, et intricatissimas controversias debita sobrietate definierunt. Naeui itaque, si qui in scholae Theologiam inuesti sint, non scholae, sed quorundam sunt scholasticorum vitio tribuendi, vt alibi data opera adnotauimus (11). Sunt praeterea apud scholae Theologos decreta multa firma ac certa, quae nulla vnuquam factio in controversiam vocavit, quaque magnum habere pondus, nullus vnuquam sanae mentis negauerit.

In quarti argumenti solutionem plurima adducit Canus (12), quod eius difficultas longiore orationem sibi videatur exigere. At nos ex his, quae ipse tradidit plene solutum censemus si illud tantum ad-

da-

(11) In I. P. prod. cap. 3. (12) Lib. viii. cap. 15.

damus, quantum videlicet scholae placita inter et decreta intersit discriminis. Ea scholae placita dicimus, quae re nondum satis explora probabiliter opinando feruntur; decreta autem, quae re iam perspecta veritatem certo iudicio definitur. Itaque veterum scholasticorum sententia erga Matrimonii ministrum communis eorum opinio ac placitum erat, non tamen certum iudicium vel decretum. Sic enim de hac re disseruerunt vt nihil definire voluisse videantur; quum nec ad illam firmandam, vel sacrae Scripturae testimonia, aut Ecclesiae auctoritatem adhibuerint, neque demonstratione vere theologica euincere curauerint sententiam illam adeo esse cum fide conexam vt ex huius principiis legitime duci posset (13). Decreta nos scholae vnicae tuemur, quae certo et constanti Theologorum erga res fidei et motum iudicio feruntur.

CAPVT XVII.

De naturalis rationis pondere et auctoritate in Theologia.

Quae naturalis ratio argumenta Theologo praestat, interdum infirma, firma nonnumquam sunt.

Rationis naturalis nomine non hoc loco intelligimus ipsum rationis lumen a Deo nobis naturaliter inditum, seu ipsam ratiocinandi facultatem, atque verum adhibito ratiocinio cognoscendi; sed medium ad verum adipiscendum, ex principio vel momentio naturali lumine cognitis vel adquisitis deponitum. In huius autem naturalis rationis usu extremos duos errores Theologum diligenter cauere oportet (1): quorum alter eorum est, qui rationis humanae usum a Theologia remouent: quique Theologum pecudem volunt aur saxum omni ratione destitutum, quum de rebus ad suam disciplinam pertinentibus disserit. Alter illorum est, qui in re theologica intemperius ratione vti, sacros libros, Apostolorum traditiones, Conciliorum dogmata, iuris pontifici decreta, Sanctorum veterum doctrinam reiciunt, aptioraque Theologo, quum de Deo diuinisque mysteriis disputatio incidit, ea argumenta esse putant, quae ex ratione, quam quae ex auctoritate discuntur.

A duplice hoc errore quam longe distare debet Theologus; ac
vti-

(13) Videatur Canus ibidem. (1) Can. lib. viii. cap. 1.

vitilem sibi naturalis rationis usum agnoscere, moderatus si ille sit et iustus finibus circumscriptus. Quod ut intelligat S. Thomae monitum ob oculos habeat oportet⁽²⁾, qui inter veritatem humanae investigationi obnoxias, ac eas, quae omnem rationis captum superant, id reperit discriminis, quod illae, et si fide teneri debeant, naturae tamen ductu inuestigari et demonstrari possunt; haec non item: quamquam utiliter naturalem rationem adhiberi, addit, non ut mysteria fidei suam ex ea hauriant certitudinem; ad hoc siquidem humanae mentis tenuitas non pertingit; sed ut ea amplius illustrentur, rationibus adhibitis, quibus mens facilius exciterit, et veluti manuducatur; „dummodo absit comprehendendi, vel demonstrandi praesumptio“: atque huiusmodi rationes solam habere credantur „suadendi vim, non „cogendi“. Hoc quidem sensu argumenta, quae naturalis ratio Theologo suppeditat, interdum infirma, nonnumquam firma esse dicebamus.

Probatur vero resolutio hoc argumento: tunc naturalis ratio argumentum tantummodo probabile praestabit, quum argumentationes naturae incertae sunt, et ex conjecturis vnicce ductae; sed re vera naturae argumentationes seu conclusiones, quae ex principio non colliguntur, incertae sunt, et ex conjecturis probabiliter ductae: ergo quae ratio naturalis argumenta Theologo praestat infirma interdum sunt. Sic infirmum plane ac probabile tantum est argumentum illud e naturali ratione petitum, quo Apostolus Petrus reliquos coapostolos Christique discipulos a calumpnia Iudeorum vindicare aggressus est; Act. n. dicens: „non enim hi ebri sunt, quum sit hora diei tertia“.

Praeterea communia naturalis rationis principia, certa illa quidem et evidenta, tum quae ex illis fluant rationes, argumentum firmum praestare necessario debent. Principium hoc ex gr. alteri non feceris, quod tibi non vis fieri, utpote certum, atque ex illo ortae demonstrationes, quibus suadetur non esse damnum proximo inferendum, certum omnino argumentum suppeditat: ergo huiusmodi ratiocinandi viae firmae nonnumquam sunt. Sic firmum est argumentum, quo usus est Paulus ad Rom. i. ad demonstrandum Deum esse, et cultum ei deberi his verbis: „inuisibilia Dei per ea, quae facta sunt, intellecta conspiciuntur: sempiterna quoque eius virtus, et diuinitas; ita ut sint inexcusabiles“, cert. Tum illud, quo Dei imensitatem probat, Act. xvii. „quamvis, ait, non longe sit ab uno-

„quo-

(2) In Summ. cont. Gent. lib. i. capp. 8. et 9.

„quoque nostrum; in ipso enim viuimus, et mouemur, et sumus“.
Firmum quoque illud, quo virtutur Psalmista ad ostendendam eius prouidentiam, Psalm. xciii. dicens: „qui plantauit aurem non audiet,
et qui fixit oculum non considerat“.

Quoniam vero nostris hisce temporibus pestilentissimum hominum genus est, qui in ipsa Theologie principia debachantes nihil credendum blaterant, quod humanae rationis intelligentiam supereret, omnemque diuinam revelationem e medio tollunt; illos strenue confutare Theologus nedum poterit, sed et debet, ex ipsa qua perperam vivunt ratione. Quod ut pro votis assequatur, praeclarissimum Scriptorum Opera euoluere plurimum iuuabit, qui congestis e naturali ratione demonstrationibus, hodiernos istos fidei hostes prosteret, et fidei dogmata firmare assequunti sunt.

CAPVT XVIII.

Qualem habeant in Theologia auctoritatem Philosophi, et iuris caesarei periti.

Philosophorum omnium consensus in magno praetio est Theologo habendus: velut qui certum exhibet argumentum.

Iuris quoque ciuilis peritia multum Theologo proderit ut probabiliter argumentetur.

Philosophorum auctoritatem firmamus, qui naturae vim et effectus inuestigantur, morumque ac vitae normam ductu rationis posteris tradiderunt, magna id ex parte consecuti. Hos perpaucos fuisse nouimus, Socrate apud Platonem dicente: „sunt in mysteriis multi, qui gestant ferulam; pauci vero Bachi“⁽¹⁾. Sed paucos illos plurimum Theologo prodesse posse summorum virogum facis, Patrum dictis, et apertissimis rationibus ostendit Canus⁽²⁾. Nos de certitudine argumenti ex Philosophorum auctoritate desumti, quam doctriam in dubium vocare possunt, questione vnicce instituimus.

Nec vero ab illis opinionibus, quas haec illa Philosophorum secta, vnuis aut alter Philosophorum propugnat, argumentum efficax

Tom. I.

L

su-

(1) In Phaed. (2) Lib. x. cap. 3.

sumi posse existimamus pro Theologiae veritatis comprobandis, sed probabile tantum ac inefficax, maius minusue pondus habens, quo maior vel minor fuerit illius scholae, vel ipsius Principis auctoritas, quo magis vel minus graui corundem ratio. Nam Philosophi nullius auctoritas plusquam eius ratio valet: quimque vix vilus fuerit, qui non saepe in errorem inciderit, non est cur Theologus sic alicui adhaerere in animum inducat suum, vt ab eo ne latum quidem unguem discedere audeat.

Quod si vnum Aristotelem, quem Philosophorum Principem fuisse omnes fere gentes vno ore fatentur, sequi oporteat propter S.Thomae auctoritatem (quae certe in causa fuit, vt lege lata maiores nostri sanctum voluerint) ea id prudentia exequendum erit, qua præformatum decretum fuisse pro certo habemus. Nam et Aristotelis philosophiam sat superque esse, vt homo in naturalibus disciplinis mediocriter eruditatur, norunt illi qui in Philosophi scriptis apprime versati sunt. In eis tamen tradenda multa Aristotelem peccasse, multa etiam verbis obscuris, et ad imponendum compositis tradidisse, ignorare maiores nostri non potuere; nisi cum Theologorum vulgo confundendi sint.

Quaecumque tamen sit Aristotelis auctoritas, efficax firmumque argumentum in rebus naturalibus ex omnium Philosophorum sensu quandoque erit, magnaque proinde in practio a Theologo habendum esse, quod erat nobis hoc loco propositum, sic demonstramus: illa proculdubio auctoritas communisque consensio firmum certumque sufficit argumentum, magnaque in practio habenda est, a qua discedere arrogantia esset atque temeritas; vt in reliquis humanis artibus experimur; atqui recedere a communi Philosophorum consensione et auctoritate arrogantia foret et temeritas: ergo firmum ex ea ducitur argumentum, ac maximi facienda est. Probatur proposicio minor: discedere ab auctoritate et communi Philosophorum sensu in rerum naturalium cognitione idem profecto esset ac in errorem incidere velle; esset quoque naturae ipsi repugnare; maior enim pars eo deferri solet, quo a natura dicitur; atqui vtrunque temere et arroganter fieret: ergo.

Nec in contrarium faciunt, quae a Lutheranis, post antiquos illos auctoritatis Philosophorum insectatores, quorum meminimus Clemens Alexandrinus (3), obiici solent, videlicet: non esse Philosophos auctoritatem

(3) Apud Melchiorem Can. lib. x. cap. 2.

diendos, neque illorum auctoritatem sequandam, quod Dominus apud Ioannem dixerit, omnes quorunque ante se venissent fures fuisse et latrones, nec audisse eos ones: quos fures ideo vocatos, aiunt, quod sophistæ fallaces fuerint: sophisticen enim quandam esse artem fundandi Aristoteles docuit. Praeterea: Paulus scribens (4), Philosophos se sapientes praedicantes stultos factos fuisse, et in sensum reprobum traditos, illorum auctoritatem nullius apud nos momenti esse debere euincit. Postremo: Hieronymus contra Pelagianos disputans (5), nihil Philosophorum sensum et auctoritatem fecit: aduersario enim obiiciunt communem illam Philosophorum sententiam: „qui vnam haber, cum „omnes habere virtutes“, respondit, eam quidem Philosophorum, sed non Apostolorum fuisse sententiam, nec sibi curae esse, „quid „Aristoteles, sed quid Paulus doceat“: sunt eiusdem generis quae obiici solent cetera.

Primum itaque facile sic exponitur: Dominum reprobasse apud Ioannem, non eos, qui missi sunt, sed pseudo prophetas, vel pseudo-philosophos, quos fures et latrones dicere vere quis poterit. Licet Gracciae Philosophos fures fuisse dictos, quod sapientiam a Mose et Prophetis acceptam, quasi suam iactauerint, Clemens Alexandrinus, nobilis in primis Scriptor, contendit.

Secundi solutio ex his habetur: quos enim Paulus stultos factos Philosophos dicit, eosdem fuisse ostendit, qui gloriolæ aucupandæ gratia sapientes se dicebant, nec missi fuerant: non vero probatos illos Philosophos, quorum auctoritatem propugnauit. Ad tertium dicendum: ipsum Hieronymum sententiam Philosophorum in arguimento laudatam alibi probasse. Scribit enim (6): „Philosophorum sententia est, et Apostoli Iacobi, hacere sibi virtutes, vt cui vna defuerit, huic omnes desint“. Et rursus (7): „virtutes inuicem se sequuntur; ita vt qui vnam habuerit, omnes habeat; et qui vna caruerit, omnibus careat“. Neque poterat non in hac esse sententia Hieronymus, quae Ecclesiae Patrum sententia est, quorum testimonia collegit S. Thomas (8). Quid ergo? contrarius sibi Hieronymus fuit? Nequit. Noluit tantum in dialogo illo se auctoritatem Philosophorum erga fidei dogma vrgeri; quam tamen auctoritatem aliis in locis ipse usurpat, reponit Canus (9).

(4) In Epist. ad Rom. cap. 1. v. 22. (8) I. 2. quæst. 65. art. 1. aliis

(5) Lib. i. (6) In cap. xvi. Isaiae. etiam in locis.

(7) In cap. LVI. eiusd. Proph. (9) Lib. x. cap. 4.

His autem solutis, caesarei iuri peritiam multum Theologo prodesse, quod secunda propositione fuit positum, sequitur demonstrandum: adeo enim coniuncta cum Philosophia legum peritia est ut qui humano iuri sese addixerunt, ac in ea periti agnoscantur, in Philosophia eruditii pariter habeantur: huius igitur disciplinae utilitatem in Theologia sequens argumentatio euincit: Theologum quandoque incidere in disputationem de iure ac iustitia necessarium est; atqui ineptus ille omnino erit ea negligens, quae a iuris civilis peritis dicta sunt: ergo in plurimis commoda illi iuris peritia esse poterit. Probatur minor propositio: licet Theologus iustum et iniustum internoscere aliunde valeat, quasi in genere; in specie tamen sine aliquo iuris notitia non valebit: ineptus ergo illi omnino erit. Et quidem aperissimis id exemplis demonstrat Canus (10), quibus res in aperto constituitur.

Quod vero argumentum ex iure ciuili deprontum, etsi non omnino certum et exploratum, probabile valde sit, hac argumentatione conficitur: leges fuisse das Romanis non sine diuino nutu credendum est: imo diuinitus per ora Principum promulgatas fuisse Ioannes viii. adseruit; et humana iura per Imperatores, et Rectores saeculi Deum humano generi distribuisse Augustinus dixit, at hoc ipso probabilissimum saltem ex illis argumentum ducere Theologus poterit: ergo.

CAPVT XIX.

Quanta sit apud Theologos humanae historiae auctoritas.

Historici graues ac fidei digni probabile argumentum Theologo praestant.

Omnium vero in vnum aliquod factum consensus certum argumentum suppeditat.

Humanae historiae notitiam perutiliem esse Theologo, interdum etiam necessariam, ex ipso hominum communis consensu constat. Quamquam autem id verum de prophana quoque historia sit, ea praecepit quae cum religione implicata est; quae si ignoretur facile ad-

mo-

(10) Lib. x. cap. 8.

modum circa Scripturarum intelligentiam errabitur; vt quibusdam accidisse Augustinus scribit (1); tamen de religionis historia potissimum intelligendum est. Haec vero in duas veluti classes dispartitus; in quarum prima ea continentur, quae a Deo ipso, a Filio eius unigenito, ab hiis discipulis, et a populo verae religionis cultore gesta litteris consignata sunt a Prophetis, Apostolis, aliisque viris Spiritu sancto afflati, iisque collecta libris, qui historici in vroque Testamento dicuntur; in altera vero ea comprehensa sunt, quae post Christum et Apostolos ad nostra usque tempora in Ecclesia contingere; nempe Concilia, haereses, Patrum scripta, Pontificum sanctiones, Sancrorum gesta, aliaque innumerata, quae ad Ecclesiae gubernationem et disciplinam, varioisque christiani populi mores pertinent; non quidem Dei iussu et afflatu, sed humano studio et diligentia collecta, posterisque transmissa. Quam historiae religionis clasem Ecclesiasticanam historiam vocamus, vt eam a priore distinguamus, quae sacra et diuina, seu diuinaria reuelationis dicitur.

Prioris historiae cognitionem, nempe sacrae et diuinae, esse Theologo sunnompere necessariam, maximamque habere auctoritatem ad fidem rebus, quae in quaestionem veniunt, faciendam, ex his, quae de auctoritate Scripturarum agentes diximus, constat. Quamquam ea probamus maxime, quae de sacra et diuina historia agens Laminus Pritannus (2) statuit; nimurum, et hic quidpiam iuris nostris ingenii esse; atque duo, vel cum laude, vel saltē sine offensione in quaestionem vocari interdum posse. Primo quidem, jan quaedam in Scripturis narrantur, ceu quae contigerint, an tamquam parabolae, et allegoriae? Secundo licet quandoque inquirere quo aliqua tempore acciderint, et facta fuerint. In quibus tamen Pritannus ipse ait: «non scientia tantum, et eruditione, et ingenio opus est, sed etiam prudentia».

Ad illam itaque historiae clasem, quae Ecclesiastica historia nominatur, accedentes, illud principio statuendum est; nullum quantum grauem et probatum historicum certum adeo esse posse, vt idoneus sit ad firmam in Theologia faciendam fidem: solis enim sacris Scriptoribus id tributum est, vt nihil nisi certum proferrent; et nec falli nec fallere possent; alii vero et falli potuerunt, et in errorem alios ducent: vnde nullius auctoritas adeo firma et certa est, vt metaphysicam certitudinem pariat.

Quod

(1) Lib. ii. de doct. chr. cap. 2. (2) De ingen. moderat. in relig. neg. lib. i. cap. 16

Quod si graues et fide digni historici rem olim gestam testentur plures, probabile argumentum tunc Theologo praestare prima propositione firmauimus, et hoc momento probamus: nam historicos illos nec falli, nec fallere alios voluisse probabile quum sit, prudenter quis fidem illis praestabat, illorumque auctoritatem suscipiet, dum se, aut rem credibilem ydissse, aut a sapientibus accepisse, qui oculati testes fuere, adfirmauerint: ergo quod ex illorum narratione eruitur argumentum probabile erit. Hinc pater quam imprudenter ac peruerse, et olim, et hodie, plurimi res credibiles ab historicis grauius relatas irridant; quos inter Ioannes Clericus eo procacitatis deuenit, vt miracula Mediolani patrata, quum SS. Martyrum Geruasii et Protasii corpora detecta sunt, a viris sanctissimis et grauissimis Ambrosio et Augustino memorata, stratagemmata ecclesiastica appellare ausus sit, quibus illo acuo plebeculae fucus fiebat. Quem strenuissimi compressit Pirannus (3).

Iam historicos omnes probatos ac graues factum aliquod narrantes certum argumentum praestare Theologo, vt propositione secunda firmauimus, sic demonstrari potest: illud re vera certum firmumque in Theologia argumentum praestat, quod demonstrationem, vt aiunt, moraliter euidentem generat: quamque nemo prudens ac sapiens reuicere potest, vel in dubium vocare; eiusmodi est concors omnium historicorum erga factum aliquod consensio: ergo et firmum certumque ex historicis illud narrantibus sumtum argumentum. Quod enim historicorum consensio vnamini talen demonstrationem generet, ostendit Petrus Daniel Huetius (4); contendens, non solum geometricas aequare demonstrationes, sed etiam excedere. Ostendit et ipsa ratio: nam desipiat necesse est, stultus quoque sit et pertinax, qui negare audeat, aut in dubium vocare, quae probati omnes historici vnamini consensu adseruerunt; constat siquidem ex Iosepho (5), hoc esse veritatis historiae manifestissimum signum: „si de iisdem „rebus eadem omnes conscrivant.“

In refellendis autem, que aduersus humane historiae auctoritatem pugnant argumentis, incredibile proorsus est, quale quantumque eruditioris omnigenae specimen Canus dederit (6). Versar enim ibi subobscurissimas, variasque scripturae, chronologiae, chronographiae, critics, aliarum etiam disciplinarum quaestiones, easque plene

(3) Lib. iii. cap. 11.

(4) In demonst. Euang.

(5) Lib. cont. Appion.

(6) Lib. xi. cap. 3.

ne dissoluit. Verum non debuisse illum res adeo disiunctas in locum unum aduocare, instituti sui fines transgrediens; nec opiniones semper verisimiliores adhibuisse, vt aduersariorum dilueret momenta, quod nonnullis visum fuit, pronuntiare non audemus. Qui ergo velit argumenta scire, quibus humanae historiae fides et auctoritas appeti possunt, necnon et responsiones, quibus ea eneruantur, Canum consultat in laudato libro (7); vbi cumulatissime haec omnia tradidit.

SCHOLION.

Nobis vero ad Predromi finem properantibus, regulas quasdam seu leges addere, quibus historici cuiusque fides ac veritas comprobentur, tantum licet. Prima igitur esto. Historicci probitas atque integritas maximam narrationibus suis fidem conciliat; praesertim si communis fama accedit. Quae lex locum in his haberet, quae historici, quum ecclesiastici, tum prophani narrant, vel a se visa, vel ab his, qui viderunt, accepta. Sunt huiusmodi plurima in Epistolis Ambrosii, Augustini, Cypriani, Hieronymi, aliquotunque contentas aliqua insuper, quas Julius Caesar, Valerius Maximus, Strabo, Suetonius, Cornelius Tacitus, aliique ex Latinis narrant.

Secunda regula: historicos illos reliquis arteferendos esse, qui ingenii severitati quandam prudentiam adiunxere, et ad eligendum, et ad iudicandum. Quod sane in rebus illis obtinet, quas nec viderunt ipsi, nec a viris probatis, qui ea viderint, audierunt. In hanc autem regulam peccasse auctorem libri, cui titulus: *Speculum exemplorum*; ac consarcinatorem illius historiae, quae *Legenda aurea* dicitur; Vincenatum quoque Bellouiacensem, et sanctum Antoninum, Canus animaduertit (8). Quibus post Cani tempora innumeri addendi veniunt, qui et schedas omnes lectione etiam indignas excutiere, et anilibus fabulis operam accommodarunt; ac tandem omnia lecta auditae descripserunt, quin ea prudenti examine, accuratoque iudicio antea expenderint. Si enim Cani actas, vt ipse dicit, Sacerdotem vidit, cui persuasissimum esset, nihil omnino falsum esse, quod semel typis fuisse excussum, videt sane nostra, non iam unum, sed plurimos, qui in huiusmodi versantur errore, illorumque rudi populo propinant. Dolenter hoc dico plus quam contumeliose: multa vt vera plebs ignara amplectitur, quoniam tanquam vera ipsi a Sacerdotibus propo-


nun-

(7) Lib. xi. cap. 6. (8) Eodem lib.

nuntur. Hoc autem, quum nihil utilitatis Ecclesiae adferat, incommodi adferat plurimum.

Tertia: si cui historico Ecclesia auctoritatem tribuit, dignus profecto est cui nos auctoritatem tribuanus: contra vero, cui Ecclesia fidem derogavit ei quoque nos fidem derogabimus. Ob hanc regulam amplectendae sunt vitae, quas Hieronymus scripsit, Antonii, Pauli, Hilarionis, aliorumque eremitarum; quas deinde probavit Gelasius Papa, ac legi posse dixit: responda vero acta Andreeae, Philippi, Petri, Thomae nominibus falso edita; liber de infantia Salvatoris; alter de eius nativitate; pastoris liber; acta Theclae, et Pauli, aliaque eiusmodi a Gelasio, alias Ecclesiae Praesulibus reprobata: quamquam non omnia a Gelasio reiecta opuscula quoad dogmatum veritatem damnata fuerint, sed ut plurimum propter falsum nomen. Nec Eusebii Chronicorum, atque Ecclesiasticae historiae libri, alia fortassis de causa in decreto Gelasii improbantur, nisi quod intemperanter Origenem laudauerit, hominem scilicet a catholica via saepe deflectentem.

Et haec in praesenti manuducendis ad theologicas Institutiones Tyronibus sufficient; haud ignorantes non in his formulis omnia historiae iudicia conclusa et comprehensa esse; sed quia maxime contentaneae et conuenientes visae sunt.



INSTITUTIONVM THEOLOGICARVM

PARS PRIMA.

DE DEO IN SE CONSIDERATO.

LIBER I

In quo de Dei existentia ac essentia agitur,

CAPVT I.

Varia argumenta persequitur, quibus divinae existentiae dogma firmatur.

Existit Deus.



B Eritatem hanc omnium primam testantur Scriptura Gen. cap. 1. et Exod. 20. verbis illis: „in principio creauit Deus coelum et terram: Ego sum qui sum“.

Eadem veritatem demonstrant SS. PP. validissimis argumentis, quibus nec ipsi Athei refragari possint. Athanasius praepmis argumentum illud vsitatum, quod ex vniuersitatis aspectu, ex eius partium descriptione, ac rata et constant illius administratione sumitur, praecclare tractat in lib. contra Gentiles (1). „Deum, ait, qui natura bonus est, et hominum amans, quum per se sub aspercum comprehendensionemque non caderet, noluisse tamen cognitionis expers suae genus humanum relinqueret; sed ex operibus se suis permisso cognosci“. Deum esse aliquem rerum omnium effectorem Ioan. Damascenus colligit sic (2): „omnia quacumque sunt, vel creata sunt, vel increata. Quod si creata sunt, omnino sunt mutabilia:::: si increata sunt, ex consequentia ratione prorsus immutabilia sunt“. Et post pauca: „itaque quum sint mutabilia, plane erunt creata. Si

Tom. I.

M

„creas

(1) Azh. p. 18. (2) In lib. 1.